



LESOTHO ELECTRICITY AND WATER AUTHORITY

7th Floor
Moposo House
Kingsway Street
Maseru – Lesotho

Private Bag A315
Tel: (+266) 22312479
Fax: (+266) 22315094
E-mail:
secretary@lewa.org.ls

Phatlalatso

11 'Mesa, 2014

**QETO EA LEKHOTLA LA TAOLO EA MOTLAKASE LE METSI LESOTHO (LEWA) HOLIM'A
KOPO EA K'HAMPHANI EA LESOTHO EA MOTLAKASE (LEC) EA HO NYOLLA LITHEKO
TSA MOTLAKASE TSA SELEMO SA 2014/15**

Ka la 23 Pherekhong, 2014 K'hamphani ea Motlakase Lesotho (LEC) e ile ea etsa kopo ho Lekhotla la Taolo ea Motlakase le Metsi Lesotho (LEWA) ea hore litheko tsa motlakase hammoho le tsa tlhoko e holimo ea motlakase (Maximum Demand) li nyolloe ka linoko tse 26.8 lekholong (26.8%), mafapheng 'ohle a basebelisi ba motlakase selemong sa 2014/15. Chelete eo LEC e e kopileng ke Maloti a limilione tse makholo a supileng le mashome a supileng a metso e robeli (M778.1million). Kopo ena ea LEC e ne sa kenyeletsa hore litefiso tse kang ea khokelo ea motlakase, ho potielana le ea tlathlho ea likhoele tsa motlakase matlong li hlahlojoe bocha le tsona ka 2014/15.

Lekhotla le ile la hlahloba kopo ea LEC le ipapisitse le lintlha tsa tsamaiso le maano a tšebetso 'me la lemoha hore ho na le likhaello le lintlha tse sa hlakang. Lekhotla le ile la tsebisa K'hamphani ka lintlha tsena ka la 14 Hlakola 2014. LEC e ile ea romela litlhakiso tse neng li hlokoa ke LEWA ka la 25 Hlakola, 2014.

Lekhotla le ile la nonya sechaba maikutlo ka kopo ea LEC, 'me la etsa litsebiso li-ea-le-moeeng le likoranteng ekasitana le ho tšoara likopano le sona sechaba ho tšohla kopo ena. Likopanong tseo, LEC, basebelisi ba motlakase le baemeli ba Mokhatlo oa Tšireletso ea Baji, Nien Hsing, Forum for Electrical Practitioners Industry, Komisi ea Kereke e K'hatholike ea Toka le Khotso,

Feme ea Thitelo ea Joala le Linomapholi le Mokhatlo oa Bahoebi oa Lesotho ba ile ba hlahisa maikutlo a bona kapel'a Komiti ea Litheko tsa Motlakase ea Lekhotla (LEWA).

Kamor'a ho ithuta kopo ka botebo, maikutlo a sechaba, mabaka, linnete le bopaki bo tekiloeng kapel'a eona, Boto ea Lekhotla phuthehong ea eona e bileng kajeno Labohlano la la 11 'Mesa, 2014 e entse qeto ea hore chelete eohle e tla sebelisoa ke LEC selemong sa lichelete tsa 2014/15 e tle e be Maloti a limilione tse makholo a tšeletseng le mashome a supileng a metso e tšeletseng (M676.1 millione). Ka chelete ena LEC e tla:

- Reka motlakase setsing se kahar'a naha e leng sa 'Muela, le litsing tse kantle ho naha e leng Eskom (Afrika Boroa) le EDM (Mozambique);
- Lokisa thepa ea eona e fepelang motlakase;
- Batla mehloli e meng eo ho eona e ka fumanang kapa ho alima chelete bakeng sa phethahatsa merero ea eona ea katoloso ea thepa;
- Ntlafatsa maemo a bosebeletsi ba eona sechabeng ka ho nyolla lipalo tsa basebelisi ba motlakase papisong le tsa basebetsi ba eona ho tloha ho palo ea mosebeletsi a le mong basebelising ba makholo a mararo ba mararo ba motlakase (1:300) ho e nyollela ho mosebeletsi a le mong basebelising ba makholo a mane ba motlakase (1:400). Tabeng ena K'hamphani e tšoanela ho ipapisa le sekhahla sa theko ea thepa le lisebelisuo (inflation) le sa keketseho ea basebelisi ba motlakase; le ho
- Fokotsa litšenyehelo tsa letsatsi le letsatsi tsa tsamaiso ea K'hamphani. Lekhotla le entse qeto ea hore litšenyehelo tsena li ikamahanye le ho hola ha thekiso ea motlakase, ho eketseha ha lenane la basebelisi ba motlakase le sekhahla sa kholo ea moruo.

Chelete eo LEC e lumelletsoeng ho e sebelisa ka 2014/15, hammoho le matlole a mang, e tla etsa hore litheko tsa motlakase li nyolohe ka linoko tse lipakeng tsa tse 11.8 lekholong (11.8%) le tse 12.4 lekholong (12.4%) bakeng sa mekhahlelo e fapaneng ea basebelisi ba motlakase joalokaha ho bontšitsoe mabokosaneng a mabeli a katlaase mona.

Ka kakaretso, selemong sa 2014/15 litheko tsa motlakase tse kenyellelitseng makhetho ka mekhahlelo e fapaneng ea basebelisi ba motlakase li tla nyoloha ka tsela e latelang:

A. Ho basebelisi ba motlakase oa malapeng ho tla ba le keketseho ea linoko tse 12.1 lekholong (12.1%);

B. Maboneng a seterateng (street lighting) ho tla ba le keketseho ea linoko tse 11.9% lekholong (11.9%);

C. Ho basebelisi ba motlakase ba likhoebo tse 'nyane ho tla ba le keketseho ea linoko tse 12.2 lekholong (12.2%);

D. Ho tla ba le keketseho ea linoko tse 11.8 le tse 11.9 lekholong (11.8% le 11.9%) ka tatellano bakeng sa lifeme le likhoebo tse sebelisang motlakase o mongata haholo (High Voltage industrial/ commercial) le o mahareng (Low Voltage industrial/ commercial). Hape ho litsi tsena ho tla boela ho be le keketso ea linoko tse 12.4 lekholong (12.4%) ea tlhoko e holimo ea motlakase (Maximum Demand).

Litheko tse ncha tsa motlakase li kena tšebetsong ka la 01 Motšeanong, 2014.

Phetho.

Lebokosana 1: Litheko tse Ncha tsa Motlakase ho Latela Mekhahlelo ea Basebelisi ka ho Fapana

Customer Categories	Current Energy Charge (M/kWh)	Approved percentage change	Approved Energy Charges (M/kWh)	Adding Customer Levy @M0.030/kWh	Adding Rural Electrification Levy @M0.02/kWh large customers and @M0.035/kWh for others	Final Approved Energy Charge	Current Energy Charges including levies	Final Tariff Percentage increase
Industrial HV	0.1347	12.4%	0.1514	0.1814	0.2014	0.2014	0.1801	11.8%
Industrial LV	0.1491	12.4%	0.1676	0.1976	0.2176	0.2176	0.1945	11.9%
Commercial HV	0.1347	12.4%	0.1514	0.1814	0.2014	0.2014	0.1801	11.8%
Commercial LV	0.1491	12.4%	0.1676	0.1976	0.2176	0.2176	0.1945	11.9%
General Purpose	1.1011	12.4%	1.2378	1.2678	1.3028	1.3028	1.1615	12.2%
Domestic	0.9741	12.4%	1.0950	1.1250	1.1600	1.1600	1.0345	12.1%
Street Lighting	0.5530	12.4%	0.6216	0.6516	0.6866	0.6866	0.6134	11.9%

Lebokosana 2: Litheko tsa tlhoko e holimo ea motlakase (Maximum Demand) tsa 2014/15

Customer Categories	Current Maximum Demand Charge (M/kVA)	Approved Percentage Change	Approved Maximum Demand Charges (M/kVA)
Industrial HV	189.7000	12.4%	213.2433
Industrial LV	221.5700	12.4%	249.0686
Commercial HV	189.7000	12.4%	213.2433
Commercial LV	221.5700	12.4%	249.0686

Litheko tsena ha li kenyelletsa lekhetho la thekiso (VAT).

**Phatlalatso ka : Lesotho Electricity and Water Authority
Private Bag A315
7th Floor Moposo House
Kingsway Street
Maseru**

Tel: 22 312 479

Fax: 22 315 094

E-mail : secretary@lewa.org.ls